

2 YAHAYA

Wotiya kənyindiye Yahayaye

Isaa gawuro ruwujəgənədə

Badiduram

Yahaya, ti kəngayam Isa Almasiwuye, wotiyanju yakku alama saa firakku bi firakkun uwun gai ngawo karmo-a karmolan cidu-a Isayen ruwuyeno. Yahayadə tadawa Jabadiye falnja, tiro fuwura Isa jauro cəraana ye canı, koro Linjila kəndewuye-a Wahayi Yahayaye-aa ruwujəna. Kəla ruwuwu Isaa gawu jaman-njuyen, ngawo sojiya bəni Rombe Jerujalem-a Fado Alaye-aa sijanayen, Yahaya nadəa kolje bəni Afisayero leyeno. Curo wotiya adəyen Yahaya kamu laa kəreyadaro gala cədde am gadea jauro cərawo, am jambawuro hangal gənajo yeno.

Wotiya kənyindiye Yahayaye

Isaa gawuro ruwujəgənədə

Lewa

¹ Wuma amwurawaye falnjadə* kamu kəreyada-a yallanju-aro:† Curo jireyen njaraakkəna, koro wu runi gəni, am jire nojana samma ye,

* **1:1 1.1** *amwurawaye falnjadə* - Fuwuma laa jama Isaa gawu.

† **1:1 1.1** *kamu kəreyada-a yallanju-aro* - Jamanja Isaa gawuye.

² dalilnjudə jiredə curonden dægana, koro andi-a rokko har abadaro dəgai nangaro.

³ Jire-a kərawo-alan Ala Bawa-a Isa Almasiwu Tada Bawadəye-a andiro ser-a kanji-mari-a nanlewa-a sadi.

Jire-a kərawo-a

⁴ Jiri Bawa andiro wada sadənadə gai, yalanəmbe laanja kəndəgai jireye cadi nagəkkəna nangaro karwuni jauro kəjiyeno.

⁵ To, kamu kəreyada, kərma nia lowonjəkki, wada bərin gəni, wada tən badiduramnin taiyənədəa niro ruwunjəgəkki: Amandea rayiyo!

⁶ Kərawodə tima wadawanju gaiyo! Tən badiduramnin fannuwwadə gai, wadadə tima kərawolan dəgaiwo!

⁷ Jambawu kada duniaro caluwuna, tayi duwon Isa Almasiwu tiyilan isənaro kasaccaiwawodə. Kam adə gai tima jambama ye, waduma Almasiwuye‡ ye wo.

⁸ Bare awo ngənəptiye fanduwwadəa fudduwwi, amma mukowa cap fandoworo hangal gənanowo!

⁹ Wundu duwon kəla alamdu Almasiwuyen dəgannin fuwuro lejimadə karwunjun Ala bawo. Amma kam duwon alamdudəlan dəganamadə Bawa-a Tadanju-aa cuwandəna.

¹⁰ Kam laa alamdu adəa cuwudənnin nandoro isia, bare tia fanndon sawuwwi bi lewanuwwi,

¹¹ awoa kam tia lewajənadə kidanju diwidəro mukkonju cakki.

‡ **1:7 1.7** *waduma Almasiwuye* - Kam duwon sa njeroramben Isa Almasiwu-a jama tia gawu-aa wajimadə.

Lewa daryeye

¹² Awo ngəwu nayiro ruwuduwuro takkəna duwon, kakkadu-a tadduwa-alan gəni, cujudəro karwukəjinde tai dajə kəjijoro, nandoro isəkke sim-a sim-alan mananəkkiya, təmakko.

¹³ Yalla yanəmgəna kəreyadadəye§ nia lewan-jai.

§ 1:13 1.13 *yalla yanəmgəna kəreyadadəye* - Jamanju Isaa gawuye.

Kanuri Manga NT Translation
Kanuri, Manga: Manga Kanuri Translation (Portions)

copyright © 2018-2024 Wycliffe Bible Translators, Inc.

Language: (Kanuri, Manga)

Contributor: Wycliffe Bible Translators, Inc.

All rights reserved.

2025-05-06

PDF generated using Haiola and XeLaTeX on 6 May 2025 from source files
dated 6 May 2025

c9559a71-f08b-5c68-a545-05813d16a08e